

Drje najznačiša a najwoblubowaniša postawa w pokładze serbskich powěšćow je Krabat, dobry stary kuzłarski mišter.

Wokoło njeho so pletu powědki wo skutkach pomocliwosće, kotrež je z kuzłarskimi činkami předewšěm chudym na dobro zdokonjał.

Tak zasadžowaše swoje magiske mocy, zo by słabej půdže ratarjow płódnosć spožčił abo so wo nuznje třěbny dešć za wusmahnjeny wusyw postarał. Wón pak tež bahna wusuši, zo by z nich wuchadźace chorosće wotwobarał.

Tola Krabat z bohatymi wikowarjami skotu na Kulowskich wikach pryžle ćěrješe, wón so samo na woła přeměni abo jěchaše w powětrje.

Mišterstwo kuzłanja bě wón pječa w Čornym młynje abo Čertowskim młynje w Čornym Chołmcy - kotryž je nětko džěl Wojerec - pola tamnišeho młynka nawuknył.

Stawizniski pozadk powěšćow a bajow wo Krabaće je slědowacy: Kurwjerch Awgust I. (Awgust Sylny) bě, nawróćiwši so z bitwy přećiwo Turkam w léće 1696, jěcharskeho obrista z mjenom Johann Schadowitz sobu přiwjedł. Jemu bě za wosebite zaslůžby - pječa bě Awgusta Sylneho před turkowskim zajećom wuchował - kubło we Wulkich Ždžarach darił. Z dalokeje Chorwatskeje pochadźaceho wyška, kotryž 29. meje léta 1704 zemrěł, mějachu w ludže wěsće dla cuzeju pochada a rěče, dla jeho wonkowneho a wšelakich swojoraznosćow za kuzłarja a mjenowachu jeho Krabat.